

[Augsburg], 29. Juni [1580]

An Joachim Camerarius d. J.

UB Erlangen, Briefslg. Trew, Wolf, Hieronymus, Nr. 17.

S. Et occupationes tuas et νεογαμίαν reputans, Clariss[ime] vir, D[omine] et amice colende, egi cum M. Simone Fabricio, collega meo, auditore olim patris tui obseruantissimo, ut Suidae παρασημειώσεις describeret: quo homine vel oculorum vel ingenij in Graecis literis acie praestantiorem in hac urbe (ne de alijs dicam) scio neminem. Restat igitur, ut (si videbitur) codicem paternum huc mittas, sartum tectum (uti spero) intra bimestre recepturus. Est enim Fabricius mira et ingenij et manus celeritate: nec ante peractum opus, quiescere solitus. Id quod in Demosthene meo, non sine ingenti admiratione, sum expertus. Περὶ τῆς βιογραφίας τοῦ πατρὸς, pro tua prudentia statues. Quae si operi alicui illius adiungeretur: minore fortasse cum inuidia, quam seorsim edita, legeretur. Vale cum omnibus tuis. 29 Junij. Raptim.

Hiero[nymus] Wolfius
Tuus.